

大畜卦第二十六（下乾天 上艮山 — 山天大畜卦）



大畜，利貞；不家食吉，利涉大川。

1. 大畜卦象徵所畜者至為宏大，涵蓋畜聚才德、畜止乾健、畜養賢人等意。故大畜之時，利於依正道以畜物，而所畜者亦當合於正道。而當大畜之時，不使賢人自養於其家，而能廣聚於朝廷，輔君為政，則可獲吉祥。如此既能謹守正道，又能畜養賢人，則必利於行險涉難，成就大業。 ⑥畜，聚也。
2. 朱熹曰：大，陽也。以艮畜乾，畜之大者也。 劉沅曰：畜之大者有三義，天在山中，畜聚也；以艮止乾，畜止也；剛上而尚賢，畜養也。
3. 李士鈇曰：小畜以巽畜乾，巽陰卦，故曰小，臣畜君之道也。大畜以艮畜乾，艮陽卦，故曰大，君畜臣之道也。
4. 馬其昶曰：乾、艮北方維卦，於時為冬，陽氣潛畜於內，為大畜。
5. 朱熹曰：不家食者，食祿於朝，不食於家也。
6. 孔穎達曰：已有大畜之資，當須養贍賢人，不使賢人在家自食，如此乃吉也。
7. 馬振彪曰：王者不私食以為家，與賢人不食於家而食於朝，其義互通。
8. 序卦傳：有無妄然後可畜，故受之以大畜。

彖曰：大畜，剛健篤實，輝光日新其德。剛上而尚賢，能止健，大正也。
不家食吉，養賢也。利涉大川，應乎天也。

1. 彖傳曰：大畜卦下乾剛健，上艮篤實，以剛健篤實之資，畜積其榮耀光輝，故能日新又新其美德。又上九有陽剛之德，居於上位而六五禮賢之，為畜養賢人而得其所用。又以下乾至健，而上艮能畜止之，使其不犯災而無過尤。此其所畜者至為宏大而合正道也。
2. 王弼曰：凡物既厭而退者，弱也；既榮而隕者，薄也。夫能輝光日新其德者，

唯剛健篤實也。而上九處上而大通，剛來而不距，尚賢之謂也。健莫過乾，而能止之，非夫大正，未之能也。

3. 孔穎達曰：乾剛健上進，艮止在上，能畜而止之，故曰大畜。乾剛健、艮篤實，故能輝耀光榮，日新其德。
4. 當大畜之時，不使賢人自養於其家，能廣聚於朝廷輔君為政，而獲吉祥者，乃謂為君王者，必須廣為畜養賢人。而其利於行險涉難，成就大業者，乃因其能畜聚乾德，畜養賢人，畜止乾健，所畜者上應於天理也。
5. 王弼曰：有大畜之實，以之養賢，令賢者不家食，乃吉也。能尚賢制健，大正應天，不憂險難，故利涉大川。
6. 鄭汝諧曰：畜有三義：以蘊畜言之，畜德也；以畜養言之，畜賢也；以畜止言之，畜健也。剛健篤實，輝光日新其德，此蘊畜之大者；養賢以及萬民，此畜養之大者；乾天下之至健，而四、五能畜之，此畜止之大者。故彖傳兼此三者言之。

象曰：天在山中，大畜；君子以多識前言往行，以畜其德。

1. 大象傳曰：大畜卦下乾天、上艮止，故有天在山中之象。物莫有如山之穩定者，亦莫有如天之宏大者，天在山中則所畜者大，故有大畜之意。
2. 張清子曰：天在山中，山畜天之氣也。凡山中有雷雨風雲之氣，皆天也。
3. 李士鈞曰：易之名卦，皆取實象，天在山中，疑無此象。不知天之氣無所不在，山體中空，足以畜聚其氣也。山中之天，乃山所畜以興雲雨者也。
4. 君子者應效法大畜卦天在山中，所畜者大之象，悟知必須多記多學古先聖賢之言行，博聞強記，敦品勵行，以畜聚美德。
5. 程頤曰：人之蘊畜，由學而大，在多聞古先聖賢之言與行，考跡以觀其用，察言以求其心，識而得之，以畜成其德。
6. 馬振彪曰：中庸言尊德行而道問學。德性之所以能尊，非虛懸而冥獲，必由學問而來，乃不墮頑空之弊。此大學言明明德，必於致知格物立其基也。子曰：以思無益，不如學也。又曰：我非生而知之者，好古敏以求之者也。學由多識言行而入，貫而通之，德以此畜，此即一以貫之之旨也。

初九，有厲，利己。

象曰：有厲則已，不犯災也。

1. 初九處大畜之始，陽剛得正，然陽德卑微，是潛龍勿用之時也，雖與六四有應，卻為其所畜止，急於求進將有危厲，故停止前進以畜德求利。

◎厲，危也。 ◎已，止也。

2. 何楷曰：履乾之初，行而未成，正用潛之時也。
3. 劉沅曰：初九為六四所畜止，而不得伸，輕進則危，故利於止。他卦以相應為相接，大畜卦則以相應為相止。厲即災也，畜止而不往則不犯災。
4. 馬其昶曰：二、三皆畜輿馬，初為庶民，出無輿，但徒行耳。初應在四，艮山互兌澤，山川險阻，行不得達，故利已。
5. 象傳曰：初九知急於求進將有危厲，而立即停止前進者，乃因其能接受六四之畜止，不冒著危厲而行於災難之中。
6. 俞琰曰：需初不犯難，謂坎水之險；大畜初不犯災，謂艮山之阻。

九二，輿說輻。

象曰：輿說輻，中無尤也。

1. 九二陽剛得中，與六五有應，當大畜之時，適為其所畜止，惟其居位得中，能自度情勢而停止不前，猶如車輿脫開其輪輻，不能行進也。 ◎車說輻，喻車輿不能行也。 說，同「脫」字。 輻，音復，指車廂下鉤住輪軸之伏兔。
2. 程頤曰：六二雖剛健之體，然其處得中道，故進止無失。雖志於進，度其勢之不可，則止而不行，如車輿說去輪輻而不能行也。
3. 劉沅曰：九二剛中有德而能自止，其乘車而行，中道脫輻，暫止不進，蓋相時而動，寧需勿躁者也。
4. 象傳曰：九二能自度情勢而停止不前，猶如車輿脫開其輪輻，暫時不行者，乃因其居位得中，處事合宜，故無妄進之過失。 ◎尤，過失，罪過也。
5. 馬其昶曰：內卦畜德之事，即象傳所謂能止健，大正也。初之不犯災，知者

利仁也；二之中無尤，仁者安仁也。畜德以仁知爲大。

6. 陳夢雷曰：小畜九三，車說輻，夫妻反目。大畜九二，車說輹。輻說，則車破敗而四散；輹說，但不欲行而已。故小畜之說輻在人，大畜之說輹在己。

九三，良馬逐，利艱貞；日閑輿衛，利有攸往。

象曰：利有攸往，上合志也。

1. 九三陽剛得正，畜德已充，剛健上進，又與上九陽剛同德合志，故可施展才

用，與二、三兩陽攜手並進，有良馬並駕驅馳，相互追逐之象。惟九三陽居

陽位，恐其剛亢過盛，冒進有失，故誠其應貞正自守，不可忘乎艱難。每日

應熟練駕御和防衛之技能，以自畜其才藝，則有利於往前求發展。◎逐，驅

馳追逐也。◎閑，習也，熟練也。◎輿衛，謂駕御與防衛之技能。

2. 程頤曰：九三以剛健之才，與在上者合志而進，其進如良馬之馳逐，極其速也。又其乾體而居正，能貞者也，當其銳進，故誠以知難與不失其貞也。而輿者，用行之物；衛者，所以自防。當於日常閑習其車輿及防衛，則利有攸往矣。

3. 劉沅曰：九三與上九同道，引初、二以並進，如良馬之相逐。然四、五有阻，故利於克艱，不可有易心；利於貞固，不可有速志。初慮其進，二喜其不進，三可進又恐其輕進，君子之難進也如是夫。

4. 李士鈺曰：上九與九三同類合志，引之於前，故奔逐。而艮山阻之，不可妄進，乾至於三，亦曰終日乾乾，乾惕故曰日閑。

5. 馬其昶曰：陽畜至三，可以並進。閑輿衛，習駕御也。未往先習，藏器於身，亦畜之義也。

6. 象傳曰：九三之有利於往前求發展者，乃因其與上九兩陽同德不相畜，而意志相合。

7. 王弼曰：物極則反，畜極則通，上九處天衢之亨，塗徑大通，可以任九三良馬之馳騁。正見兩者合志之象。

六四，童牛之牯，元吉。

象曰：六四元吉，有喜也。

1. 六四陰柔得正，處上艮之始，應於初九，能畜止初九於陽剛萌生之初，是非未辨之時，猶如在小牛頭角上，繫以橫木，不使觸人，而能預為馴服。柔以止剛，至為吉祥。 ◎牯，音故，角著橫木，不使觸也。
2. 李士鈺曰：童牛之牯，所以養其純一之性，而以祭天也。六四之畜賢，所以養其純一之德，而以事天也。
3. 王弼曰：六四處艮之始，履得其位，能止健初，距不以角，柔以止剛，剛不敢犯。
4. 象傳曰：六四之能畜止初九，柔以止剛，至為吉祥者，乃因其能畜賢事天，止健有方，值得欣喜。
5. 劉沅曰：六四畜陽於初，初九安為所畜，喜其畜之不勞也。
6. 馬其昶曰：外卦畜賢之事，象所謂不家食吉，養賢也。

六五，豮豕之牙，吉。

象曰：六五之吉，有慶也。

1. 六五陰柔得中，高居尊位，應於九二而能畜止之，柔以止剛，治本為先，猶如雄豬之去勢，兇暴剛躁之性已除，其牙已不足懼，故可獲吉祥。
◎豮，音墳，去勢之雄豬。
2. 程頤曰：豕，剛躁之物，而牙為猛利，若強制其牙，則用力勞而不能止其躁猛，雖繫而維之，不能使之變也。若豮去其勢，則牙雖存而剛躁自止。其用如此，所以吉也。君子法豮豕之義，知天下之惡，不可以力制也，則察其機，持其要，塞絕其本原。故不假刑法嚴峻，而惡自止也。
3. 象傳曰：六五應於九二而能畜止之，柔以止剛，治本為先，而獲吉祥者，乃因其止健得法，值得全民廣為慶賀。
4. 劉沅曰：九二陽剛方盛，六五以柔中畜之，無嚴法，如禁豕之不酷，無相制之嫌，有相容之美，故慶也。
5. 馬其昶曰：喜慶，皆祭祀受福之辭，四喜，專；五慶，廣。 劉沅曰：喜，就一己而言，慶，兼人已而言。

上九，何天之衢，亨。

象曰：何天之衢，道大行也。

1. 上九陽剛處上艮之終，一陽踞上，儼然如多識前言往行之君子，有畜德至盛，

養賢有用，止健有成之象，故其時大通，猶如置身於四通八達之大道，所行

皆能亨通暢達。 ◎何，通「荷」，當也，有正處於...、置身於...之意。

◎天衢，謂四通八達之大道。衢，音渠。

2. 程頤曰：天衢，謂虛空之中，雲氣、飛鳥往來亨通，廣闊無有蔽阻也。

3. 趙汝謀曰：止而後行行必通，養而後用用必濟。馳騁天衢，無邊無際，唯所欲之。賢者顯立天朝，言聽計從，無適不可，道之盛行，何以加此。

4. 劉沅曰：六五以陰畜陽，為畜之主，上九有陽德，居五之上而為五所尚，即象所謂剛上而尚賢也。畜極而通，何五之寵，賢路大通，道無不行。

5. 象傳曰：上九猶如置身於四通八達之大道者，乃因其畜德有成，所行皆通，

理想大可實現。

6. 王宗傳曰：上九當畜賢之時，為六五所尚，大張賢路，賢者得志，莫盛於斯。